

## Classe 605 – Set piece for 3<sup>rd</sup> year Secondary students

### Les Cats par Florence M Hacquoil


Ma grand' méthe n'aime pon les cats,  
Car dans san gardin i' font des d'gâts.  
Et tchiquefais quand i' crient la niet  
Oulle a tant d'peux qu'ou saute du liet.

Man cat à mé n'est pas méchant,  
Il est trantchille comme un êfant;  
Dans mes bras i' reste couochi,  
I' sembl'ye tch'i' ne d'mande qu'à dormi.

La preunmié fais que j'le vis  
Ch'tait auve sa méthe dans l'solyi;  
Quand j'fus pour lé ramasser  
La bête se mint à mordre et grimer.

Je savais bein tch'i' 'tait sauvage,  
Et que bein vite i' s'sait pus sage  
Quand i' s'sait apprivoaîsi,  
Et touos les jours par mé souongni.

Il est gourmand quand j'lî donne du lait,  
Et s'excite quand du païsson i' vait;  
J'lé gronne si les ouaîthieux i' chasse;  
Mais, ch'est la natuthe d'sa race.



Go to the [Learn Jèrriais website](http://www.learnjerriais.org) to find the audio version of this... [www.learnjerriais.org](http://www.learnjerriais.org)

